

官軍摘撥前去各備一節緣靖虜衛地方委的緊
要今副翟廷憲所言既該彼處巡撫等官議處停
當奏未合無准奏通行在京法司并陝西河南山
西等處問刑衙門知會今後遇有情重罪犯因提
充軍及降調立功應撥榆林者分撥一半與靖虜
衛以補前項改調之數其陝西等衛原在固原操
守官軍每年河凍之日聽鎮守官官依擬委管領
前去相兼備冬具題次日奉

聖旨是欽此

本邊充軍人犯編發別邊

成化十九年九月二十五日戶部等衙門尚書等
官余等題該巡撫甘肅都察院左僉都御史候
奏一件嚴發遣以杜姦頑照得先准兵部咨為慶
置邊務事該本部議擬奏

准行今鎮守巡撫等官出給榜文張掛招募軍士等因除
通行欽此外查得自招募以來其原後充者不下
千數中間多有於例有礙或年貌過特或弓馬未
的或幫繼本戶軍役及未歷不明俱不准收應該
收役之人亦有二百之上看得近年以來自等奸
頑無籍之徒因是不准投充往往故違法律或偷
盜倉庫錢糧或捏匿名文狀等項一旦間發本邊
充軍似乎遂奸計蒙乞

勅該部計議合無今後問該充軍人犯除係民籍如爲事
官攢斗級等項者不拘騙發某衛充軍外若係本
邊官軍舍餘人等務要邊發別衛如榆林寧夏等
處衛所如此則奸頑知所畏懼而編發不至無據
前件會議得准議奉
聖旨是欽此

軍官漏報舍人立功三年

成化二十年九月十二日大理寺卿四等題爲
軍務事該刑部山西司發審犯人二名李功孔旺
所犯俱合依凡奉

制書有所施行西達者律減等杖九十照例送兵部發邊
方立功滿日還職審擬合律查得成化十九年八
月二十三日該兵部題稱在京衛所見任帶俸官
員戶下舍人不拘已未報冊通將花名開報仍取
親管旗不扶隱瞞重并結狀若有漏報以後被人
首出發邊方立功漏報之人一同問罪具題奉
聖旨是欽此欽遵今問各犯前罪照例發邊方立功緣兵部
所奏事理不從定有限期難擅發落等因奉
聖旨李恭孔旺發邊方立功三年滿日還職欽此

議處編充軍人犯

弘治三年九月二十四日兵部尚書馬等

題爲公務事該巡撫甘肅右副都御史王繼奏一

件補軍伍以實邊照得鎮悉衛僻在一隅孤懸

朔漠四衛之地最爲急要軍士數少勢不能補各
處撥來充軍人犯六百三十餘名天順元年遇蒙

天赦前項各軍盡數放回原衛去訖查得成化九年因城孤